



張中丞詩集

下冊



張中丞詩集卷下

北海張煥著

同社鍾羽正校

律詩

七言

和毛侍御文源冬日登雲門山

郡山西亘岱宗來翠削芙蓉迥自開門外雲生
時出入洞中雪霽照崔嵬題留石壁多沉滅草
憶金光幾變六
自昔登臨徐攬轡吟成具見脫

塵才

張明府惺宇祈雨有應

節序旋看斗指丁
晨昏消滴仰員靈
人家百室憂懸磬
明府三年寔戴星
罪已詞陳心欲裂
天蘋薦德惟馨
四郊雨足伊誰力
一路懽聲可暫停

其二

朱明留節更思秋
旱魃難寬百畝憂
瀟灑雨師

隨石燕風雷海若驅
潛蚪荷鋤勤動情
堪倚露冕巡行淚可收
綠樹青山禾黍外
移樽眺望一登樓

其三

空中氣結忽氤氲
茂宰憂民帝可聞
赤日暴行真切已
玄穹響應豈虛文
卽看山雨傾盆至
坐對風簷瀑布紛
從此秋成歌大有
百雲誰不仰慈雲

秋日邀張業師竹翁李光祿雲坡楊中丞

月川登雲門山

翠削芙蓉望迥然
捫蘿斜日到山巔
天啣飛竇雲輕瀉
壁透晴空星晝懸
落日踈林千嶂外
商風過鴈一樽前
憑虛頓覺塵囂遠
乘興磨崖紀
歲年

過故主僧房有感

三十年前此借居
老僧伴我夜攤書
下帷時有

佛燈照聽偈還將
相火除塵掩殘經
久寂寞臺荒古
柏自扶疎
回思方外窮交者
長逝如公更
慘予

和李光祿雲坡九月山行之作

閒居猶自苦塵煩
一出城闈漸遠喧
忽覩霜林悲賦客
更無芳草待王孫
懸厓構屋雞豚在
絕嶂過雲錦繡屯
穡事蕭條秋已暮
幾人社酒醉
前村

其二

蕭蕭落木總堪憐
十里山嵐切碧天
野菊參差斑石上
征鴻斷續過車前
幾家荒圃餘秋草
萬壑疎林澹暮煙
選勝幽棲宜此地
不知身世是何年

和洞崖秋閨之作

朱樓極目一凭欄
玉貌秋來損舊歡
聲徹鳳簫悲自語
愁看鴛綺擁生寒
黃花欲盡人何處
錦

字遙傳淚未乾
可恨旄頭紛擾甚
君身歲苦滯
征鞍

和李郡丞洞崖七夕之作

碧空靈構已成梁
隔歲纔過意轉傷
烏鵲漫傳填羽迥
蒼龍應自跨河長
七襄競乞天孫巧
一夜倏增婺婦涼
銀漢西東多列宿
誰將牛女別陰陽

春日奉在楊中丞月川馮觀察仰芹鍾封

君瀛吾小坐

歲月蓬深仲蔚居諸君結駟爲憐予和風玉樹
歡相倚濁酒山肴興不疎忽有歸鴻來雪後依
然芳草又春初何當今夜文星聚詰旦特應太
史書

春日同諸君飲楊中丞月川第

遊樂探奇興杳然多君招隱強周旋論心容我
玄言後屈指何人青眼前入戶晴光春漸媚開

樽狂態酒相憐須知此會宜珍重柳色鶯聲憶

去年

君去年春見召觀
花余病足不與

病中寒食書懷

春城花滿逢佳節病體寒食卧敝廬楊柳拂堤
看歷亂琴樽入目坐清虛堪憐介子功辭祿自
是虞卿困著書世路參差增感慨不須漁父問

三閭

其二

詰旦清明競鬪華踏青無計坐生嗟王孫紛集
尋芳甸處士高懸奉使車病起猶堪頻載酒春
殘那得更無花驚看節候如駒隙世上浮名祇
自誇

病足李郡丞洞崖惠詩見訊賦謝

却病其如病勢侵春來生事反蕭森乞園未減
相如渴伏枕時聞莊舄吟一卧空齋成野性幾
看芳草負初心預期已蠟登臨屐步履猶難思

轉深

聞朱侍御鑑塘出按江西喜而賦此

使者啣恩出帝京遙持繡斧迥威名西臺直指
封章上南國徐看攬轡行三載刑書遺愛在

君先

任吉安
節推

九江秋色凜寒生懸知一路澄清日聖

王還高拆檻情

春日獨坐感懷

着意探春春已還病餘猶自怯周旋花飛鳥亂

真無賴雲白山青亦可憐
猷猷安然忘歲月廟堂不復歎
迤邐輪蹄竟日空勞擾能幾何時在酒邊

其二

誰謂支離疏者癡全身遠害又何疑
風塵南北俱堪歎杯酒徜徉祇自知
暖日晴沙鷗泛泛長堤細葉柳垂垂
尚平未果看山興婚嫁完時鬢已絲

其三

憶昔留都待罪年碧梧青瑣事空傳
燕磯月上江光淨牛首花時錦色鮮
已分清曹屬散吏敢云要地望羣賢
歸來浪跡真成夢賦擬閒居思惘然

其四

春雲四望擁蓬居仲蔚悠然意轉舒
壯志年來銷欲盡迷途覺後計元踈
詩篇過日增幽興鳥

雀窺人落廣除玩世於今真可厭祇應退處混
樵漁

送何生還越生座主

瀟瀟匹馬自何來問訊先師亦可哀厭世已難
留鶴馭承家今見有龍媒捫蘿竹裡今開逕解
劍風前數舉杯報德能忘分宅誼臨岐悵望首
重回

送馮仰芹摘和州守次楊中丞月川韻

君家刺史傳三世此去勛名重斗山露冕行春
雙麥秀江城竟日一琴閒豈同俗吏如鷹擊自
有文章似豹斑聖代於今優出牧榮從否後若
循環

其二

墨綬朱幡儼列僊漁歌城外聽鳴舷山河自遶
龍飛地草昧初開鳳曆天欽命故緣湯沐重淳
風須借使君還漢文日下延宣室去矣休耽白

社蓮

送丁荆山起補懷來兵憲

天開百二設重關聖主憐才首賜環紫闕重過
瞻北極蒼生今已起東山屯雲虎豹宣威遠閃
日旌旗坐鎮閒不數燕然誇勒石卽看補袞慰
宸顏

送張節推葵亭考績北上

公車北首詣明光三載賢聲不下堂燭照自知

齊孝婦風裁豈埒漢張湯聯鑣已入春池夢

迺弟

都諫 在京獻頌初傳椒酒觴奏最應沾新雨露好將

民瘼託封章

冬至日雪和李郡丞洞崖韻

朝端車馬漫相扳至日書雲五色蟠六管浮灰
迎氣朔半空飛雪逼人寒可知有酒忘懷易更
念無衣卒歲難郢曲操來君白首誰從高臥識
袁安

會飲張竹翁業師宅登樓次楊中丞月川

韻

移席還登萬竹樓浮煙晚照未全收高才自合
題鸚鵡下走何嫌呼馬牛倚檻遙臨千嶂伏振
衣欲傍九霄遊堪憐秋盡須同醉遮莫樽前日
月流

其二

愛客淹留共此懽飛樓縹緲夜生寒多君意氣

先投玉媿我支離負伐檀裊裊卿雲侵棟宇輝
輝明月上衣冠感恩廿載傳經地化雨時霑在
杏壇

雪夜飲李貢士輝甫宅

刻燭傳觴雪滿天瑤華曲度綺筵前清歌數轉
聲逾艷寒柝頻催興自堅獻主須將雙白壁服
官莫戀一青氊春來策馬朝元去吐膽爭奇五
鳳前

荒莊初聞蟬聲

庭閒五月一蟬鳴，獨酌停杯感慨生。
當暑故來依美蔭，臨風爭自發新聲。
預愁聒耳喧無賴，若伴吟詩亦有情。
對爾渾忘村塢僻，不堪何處又啼鶯。

和李郡丞洞崖擬送別廻文詩

長天碧共水洋洋，夜雨疎煙浮草芳。
楊古近村澄霽色，鴈穿斜樹動新涼。
觴盈酒盡情懷遠，旆

發人愁原野荒，腸結病來秋氣爽。
黃看菊地遍春陽。

午日獨酌書懷和李光祿雲坡韻

匡時壯志垂三紀，遯世高懷寄一卮。
陽始天中稱午日，人從門外索題詩。
乾坤白髮還憐我，南北青山更屬誰。
翠篠紅蕖看爛熳，坐來入夜渾忘遲。

其二

鶴髮童顏一醉醜爲逢佳節自高歌眼前樂事
休沉閣世上浮名若逝波十載江舠觀競渡九
重開扇憶鳴珂須知主德同天地廊廟山林感
慨多

立秋日次李郡丞洞崖韻

忽見山城一葉下商風氣轉漸蕭森天空鴈侶
穿雲去夜迥砧聲動客吟曲水深波啣倒影踈
林落日聽鳴禽堪憐紈扇迎秋至用舍炎涼自

古今

撥悶次李郡丞洞崖韻

生平意氣傲侯王醉後人嫌李白狂不羨籠中
鬪樂鳥每憐世上觸藩羊題書豈爲殉名計抱
影時探却老方雙鳳翩翩旋振羽莫須早晚論
行藏

春日讌集楊中丞月川園余以病不赴

海畔幽棲樂聖年多君招隱盛張筵嚶嚶林鳥

含春意灼灼花枝浮翠烟
暝色欲銷仍待月歌聲數轉奏鳴絃
主人愛客情無已爛熳樽前盡
醉還

其二

問字過門足勝遊春深楊子思悠悠
須將花鳥供詩句可奈雲山又夏秋
千古懷人抵掌盡一時詞客此堂收
慙余病爽名園約咫尺空瞻天際樓

送馮仰芹之任秦州兵憲

重關百二勢稱雄憲節相傳有二馮

迺叔少洲公先任此

中紫氣東來光隴右青萍西指壓秦中
運籌自左和戎策開府俄看城朔功
廿載驅馳仍遠塞宸歡魚藻待明公

送蔣節推元軒補官北上

山城秋色度新涼馳傳趨行詣建章
玉露金風隨去旆巾車野服共離觴
多君花發開三逕媿

我蓬深自一方帝命端爲瑣闥重百年勛業始
維揚

題楊中丞月川望京樓

飛樓縹緲俯雲烟戀主頻登思惘然倚檻朝看
天闕迥當窓夜近斗樞懸月明興掩庾開府賦
就憂同王仲宣極目不堪廊廟遠感懷擬上帝
京篇

其二

弱冠承恩何豔如孤忠卜築此樓居俯臨萬水
朝宗去遙憶千官響佩初疊石高寒懸節鉞層
軒邃杏列圖書雄心壯志終難負簡命東來使
者車

贈江二尹

中州佳士藹如林占氣遷丞寵命深據案有時
須涉筆閒庭竟日佐鳴琴吟松每發崔君興登
岳真同宋子心棘枳莫云非鳳地一朝千仞竟

難尋

春日奉枉盧郡丞南浦王節推嵩淮讌集

楊中丞月川座因次來韻

山城花滿氣冲和二妙公餘結駟過轉眼堪憐
春已去傾樽莫問夜如何淳風今復三齊古循
吏奚專兩漢多濁酒鶉居留上客楊雲玄思若
長河

秋日同諸君陪張邑侯惺宇飲蔣節推元

軒第洞崖以病不與賜詩內及之次韻

商風萬里應秋來積雨連綿暗不開入夜星辰
忽自出報晴鍾鼓故相催新涼愁向婕妤扇餘
暑紛傳河朔杯促膝共談明府政陬隅何幸借
高才

和李郡丞洞崖見訊

廿載蹉跎去漢墀忽驚華髮漸衰遲風塵自許
孤臣節歲月那堪聖主知蓬累時看雲外鳥玉

珂從近殿頭螭追隨几杖還容否世事參差似
路岐

和李郡丞洞崖內司園觀菊

園開內地傍瀛洲清署還須我輩遊把菊自高
陶令隱餐英更憶楚人尤亭亭露裊朝來潤色
色煙籠晚欲收醉後遙聞音樂發賢王樂事幾
千秋

其二

主人手種華堂菊愛客真成選勝游萬葢乘時
原自媚羣芳歇後此稱尤香分內苑風前滿景
借名家句裡收玩賞未同張仲蔚蓬深環堵坐

悲秋

時余以
事不與

再次楊中丞月川韻

君成小築耽幽興客爲秋深結駟來勝地難逢
人共醉重陽已過菊還開堪憐良夜裁詩句更
傍踈籬共酒杯爛熳却忘朱邸裡沉沉宮漏幾

回催

其二

近侍承恩禮數寬
園依秋坂借幽蘭
黃花不減柴桑里
綺席疑聞桂樹篇
艷蕊叢叢饒氣色
香風細細度衣冠
尊前落木隨時變
試向清莖一醉看

輓丁觀察荆山

詔起東山已二年
勛名久擬勒燕然
重關威借

盧龍使一日憂成野
鵬篇暮雨淒風虛
舊幄靈輜素幔向
新阡思君痛惋填
胸臆何處尋僊竟
不還

和李撫臺對泉毛按院文源登雲門山倡

和

高洞層巔隱者居
榻來二妙自公餘
樽前野色三齊盡
杖底鐘聲萬壑虛
岱岳西連形最勝
海雲東望意同舒
莫言登眺尋常事
從此山藏有

著書

次韻謁陳搏洞

層巒翠嶽隱僊居洞裡尋真踵息餘白日何年
生羽翰紅顏猶自慕玄虛烟涵丹竈留今古雲
鎖石床任卷舒坐久金光山畔發誰從玉笥一
探書

其二

先生習靜此山居羽化煙蘿幾代餘玄鶴往來

松栢老白雲縹緲洞巖虛蒼葉變易眠終穩宇
宙微茫神自舒叩問無因增徙倚探奇是日亦
堪書

秋日有懷楊兵憲一中

十年不見草玄人屈指難逢青眼親羅雀蓬門
應寂寞登龍栢府望嶙峋怪來近日薪逾積可
是生平拙更真秋色共耽華髮短幾時神劍合
延津

秋日早詣山莊

籃輿拂曙出城闈華髮蕭然一野人紫閣連雲
元自貴青山遶戶可忘貧秋高薜荔難爲色露
重衣裳半染塵脫粟濁醪何以樂東籬又見菊
花新

九日無菊

秋來搖落獨看菊此日參差未吐黃席上吟哦
紛覓句籬邊徙倚罷傳觴叢叢清蕾偏宜露隱

隱寒英不畏霜遲暮淵明無限思何時盈把任
吾狂

中秋無月

露下空庭漸濕衣坐來月色竟微微堪憐素魄
初圓夜何事清光似晦時竊藥欲奔迷桂闕登
樓無興掩柴扉征人此夕應同賞豈料昏昏度

繡闈

有感

山公啟事近何如謾謂心同水鏡虛幾處芙蓉
終黯淡滿門桃李任吹噓豈無千里空羣驥可
奈明時縱壑魚自是枌榆應退避向來已上絕
交書

詠十月菊次李光祿雲坡韻

疊嶂疎林送落暉東籬賞玩却忘歸獨留十月
衝寒色不減重陽應節菲楚客欲餐心自苦陶
家盈把興何違急須穫稻催新酒直待梅花景

尚稀

楊兵憲一中惠書枉問却寄奉謝

落日寒雲朔氣深西來憲府一鴻音十年有夢
陪青瑣百里無緣愜素心奉詔外臺推執法寒
惟着處自沾襟知君夙負匡時略莫似荒涼歎
滯淫

冬日獨坐書懷次李光祿雲坡韻

朔氣蕭森冬日晴溪流初凍繞山城書成不爲

窮愁著心折都無感慨生念載懸車甘遯世兩
朝簪筆待承明羨君老去多豪興幾共青尊入
夜傾

至日王儀部栢峯奉使衡藩歸里兼懷迺
兄見峯年丈

帝重親藩禮數頻金函詔遣秩宗臣齊中悵想
頒桐日壠上光生宿草春弭節正逢雲物改登
堂喜見彩衣新君家玉樹真堪倚十載魂銷寂

寘濱

思親樓爲楊中丞月川題次韻

幾載樓居意坦然望中景色信無邊卽今作賦
登臨日猶記潛身卜築年四壁貽留惟竹素層
軒徙倚歎桑田須知孝思存堂構福祉誠如方
至川

冬日會請本府諸公祖於李光祿雲坡宅
次韻

落日寒空暝色晴
柝聲入夜擊重城池非習氏
過山簡郡有吳公識賈生
殘月已從遙嶂出文星猶帶此堂明
莫言五馬淹留久半載相邀蓋始傾

冬日會飲鍾給諫龍原宅和韻

綠蟻初浮臍味新
邀懽客主意俱真
晴暉晚映孤城夜
朔氣疑廻小苑春
興寄園林歸書錦
潛焚諫草憶批鱗
廟堂近日仍多事
那得留君共

酒頻

題王節推嵩淮賦別趨朝卷

徵書已趣王陽馭
杯酒空彈貢禹冠
三載賢聲遺海甸
幾人直氣表朝端
關山一別雲霄迥
劔佩遙衝星斗寒
莫謂明時無闕事
封章猶欲障狂瀾

其二

條風初起敞離筵
此去承恩雨露邊
麟閣華階

看補闕鳳城春色待朝天憂時雅負青蒲節退
食應多白雪篇他日思君難把袂鬱葱棠蔭海
門前

又代作

春流脉脉鴈初歸陌上征驪帶落暉此日聖明
方側席當年老父乞留衣功名抗疏存青瑣侍
從聯班近紫薇國計首應承詔問大東杼軸已
全稀

立春日馬兵憲瀛滄召飲別署

乾坤改歲忽經旬綺席相招始遇春淑氣催聞
鶯語細晴光轉見柳條新巖耕野牧迎青帝海
宴山寧附紫宸不必花明堪取醉攀依臺柏自
精神

元旦述懷次楊中丞月川韻

羅雀蓬門數枉過論心竊幸有羊何當年石畫
籌邊遠元日新詩發興多爛熳卽看花似綺優

遊遮莫歲如梭
恭逢聖主思耆舊
振鷺須君領
玉珂

初春張明府惺宇見招別署

青陽昨日報新春
折簡何期招隱淪
天下汝爲真茂宰
座中我媿共嘉賓
晴沙碧水魚初躍
攏麥林業雉自馴
最是高情增感激
觥籌深夜更頻頻

人日雅集次李郡丞洞崖韻

霏霏雨雪肆筵初
信史占年預可書
但使盈樽時有酒
何須彈鋏歎無魚
詩篇共咏人臨晉
梅柳爭妍臘去餘
夜半麗譙聲斷續
瑤華銀燭對清虛

飲張明府惺宇處醉歸和雲坡韻

難將雞肋應時須
共醉華筵想賜醕
聖代由來優出牧
齊民自是樂無虞
簾櫳月色侵銀燭
樽俎春香撲玉鑪
甘載看花今白首
依然車馬滿

皇都

和李郡丞洞崖春雪韻

微茫何處問津涯
臘盡飛飛六出斜
流影宛隨風度曲
餘寒猶帶雨成花
繽紛歸鴈驚霜
葢點綴盆梅藹玉華
千載梁園誇授簡
幾人賦雪似君家

元夕前二日共陪馬兵憲瀛濟飲鍾給諫
龍源第次楊中丞月川韻

乘驄踏雪隣佳節
倚玉依蘭共酒卮
表海於今重賜履
興王自古兆非熊
峻嶒古栢含霜
蕭次第春花待雨
滋愧我蕭疎無郢
調夜分燈火漫催詩

哭張竹翁老師

東方大老登僊去
南極一星忽不明
國士蒼蒙期賤子
樗材終恐負先生
庭階黯淡容如在
風雨淒涼氣未平
感激師恩天罔極
遺經讀罷淚

縱橫

其二

壽隣八袞歲更新不見浮槎海上人
鴈影追隨門下士鱸堂想像座中春
須臾難挽終長夜寂寞誰堪步後塵
愧我疎庸叨九列傳來衣鉢豈無因

其二

抗志歸來鬢未華每從杖履醉煙霞
爲園竹裡

身踰穩好客尊前興自嘉
摘藻招魂無宋玉含
悲起冢有侯芭終宵徒倚難成寐
槐市蕭條月影斜

其四

當年諸子集如雲講易傳心次第分
歛謝塵寰歸大漠堪憐
天意喪斯文廣陵此後難成散
郢質何人一運斤問難須從清夢裡
覺來痛想竟無聞

清明日南郊會葬竹翁老師

隴麥青青柳下黃春深桃李尚含芳風靈坐遣
清明節車馬蕭然戲劇場樹鳥有聲時歛翼村
醪無興罷傳觴愁聞薤露悲歌切何處仙遊去
子房

陳杏槐窓丈枉過

蓬居結駟有羊何促席論心感慨多滿座光風
生玉樹中天皓月湧金波盤餐愧我無兼味樽

酒逢君且放歌共屬康成門下士於今竹館已
空過

有感次鍾給諫龍源韻原註云張氏之訟
其園池有強奪之者弱不能與較也哀
而賦此

辭秩當年甘隱淪辟疆稱勝入松筠庭花猶自
生春色梁燕相猜易主人本爲池亭老去穩何
期狼虎噬來頻蒼穹渺渺終難問悵望新阡淚

滿中

夏日過石進士衡麓園亭不遇

夙聞別業勝平泉夏日經過暑氣蠲綠樹陰連
疎雨後青山翠落小亭前游魚漫有江湖適幽
鳥渾忘歲月遷不遇敢云題鳳去片時坐對景
無邊

擬過吏部故莊次誠軒殿下韻

獸死瀕危不擇音羣然按劍兢甘心園亭寂寂

更新主樹鳥飛飛戀舊林澤畔招魂悲往事山
陽聞笛動哀吟曜靈共仰當天出東海無冤祇
在今

夏日夏李二節推過敝居讌集

山城共仰雙轡至荒逕端爲二仲開當暑欲謀
河朔飲自公一醉習池廻繁雲帶雨啣青嶂翠
竹含烟覆綠苔他日考祥紀太史文星今夜聚
蒿萊

高唐王招飲登山亭

朱邸華筵招隱來
論文揮麈鬱蒸開
亭緣高下山間出
逕入逡巡樹杪迴
粉堞過雲白滿戶
瑤堦積雨碧凝苔
感時醉起娑娑舞
鄴地梁園今草萊

壽李郡丞洞崖八十

域中岱海勢稱雄
篤毓龐眉八十翁
習靜心閒恒見素
登高體健欲凌空
養成大藥紅顏駐
地

近三山紫氣充
齒德俱隆推憲老
安車早晚向齊東

房大叅吉源書自關中來在問寄謝

萬里遙傳錦字來
三年懷抱待君開
關門忽覩真人氣
海宇堪留傲吏才
麗景聯鑣頻載酒
暇時握手更登臺
懸知此樂今無極
何似同心共草萊

植竹

積雨初栽竹數竿小齋竟日對盤桓酒酣差可
供詩句客至何須待主看標節因風鳴碧玉袖
梢含粉出朱欄蕭然未必棲靈鳥不減蒼松耐
歲寒

送子壻楊範我應試

明時多士集如雲羨爾才名迥自分霄漢已高
千里翼渥洼欲就五花文掄材獨步登瀛策選
射行看補袞勲近日門闌增喜氣乘龍客子捷

音聞

排律

五言

題漢陽王迎養生母冊葉

朱邸臨青社玄圭錫紫宸天潢方濬發盤石望
嶙峋樂善傳家國摛文邁縉紳光先聲藉藉將
母意諄諄疏奏陳情切恩頒睦族真龍章炳海
甸鳳憶出藩闈諏吉攀迎日承顏上壽辰獻桃
僊鳥至戲彩袞衣新昔頌雞鳴德今看麟趾仁
依萱恩罔極瞻婺樂無垠綸服霞觴映慈闈芝

砌勻合宮時問寢千指効羞蘋輿御王孫侍筵
開絲竹陳淑儀垂信史孝行動蒼旻曠典伊茲
始天倫羨克惇泱泱風大國浩浩慶長春應有
如椽筆特書百福臻

送族侄桂亭茂才應試

秋旻氣漸爽客子理行裝蒯緱有雄劔匹馬嘶
河梁把酒日將暮意氣何飛揚憶子少年日才
名蚤擅場窮經不出戶摘藻已升堂藏修亦富
有行看觀國光璠璣出合浦榘楠來豫章一顧
動顏色哀然列鴈行鵬舉冲霄翼鳳鳴萬仞岡
北闕爾期近東山吾自將乘時須努力事業佇
輝煌宗族舊積德於茲發其祥

絕句

七言

寄劉計部益川之任廣南太守在留都作
十年粉署舊知名五馬春風復遠征雲樹三齊
千里外臨期悵望有班荆

其二

夜郎道上候朱輪銅虎符開寵命新萬里莫嫌
風土惡陽和到處卽爲春

其三

碧雞南下漢時文絳節人傳有使君金齒相安
歸部曲銅標重樹靜妖氛

其四

盤江如帶抱城流花裡閒乘彩鷁舟聖代於今
優出牧循良計上最黔州

立秋次日始知

止知無處堪逃暑忘却何時已立秋共道夜來
桐葉落宮中紈扇使人愁

甕荷久而不花戲爲三絕催之

翠蓋亭亭出水齊朱華何故尚沉泥卽今百卉
爭嬌艷待爾開時一品題

其二

遶甕搜尋不見花偏隨衆美向豪華無緣得似
濂溪興悞却新粧泛若邪

其三

夏日娛賓酌碧筒更思菡萏舞東風空傳媚色

如郎面何處清香度梵宮

題灞陵橋風雪圖

朔風吹雪度青門匹馬衝寒別思繁迴首長安
鳴玉客橋邊誰識邵平園

附挽懷洲張公五言排律

鍾羽正

海內文章伯中臺柱石臣一朝捐館舍千載共
酸辛璀璨人間瑞輝煌席上珍詞華傾百代學
術冠東秦政擬牛刀試人看雉烏駟棠陰襄潞

曉花掖秣陵春獻納逢明主謀猷綏兆民南金
思補袞北闕見批鱗青瑣桐雲合白門柳色新
幹旋玄素壯風度九齡親符璽趨深殿臚傳肅
大賓圭璋來輦轂步履上星辰詩得江山助文
堪燕許倫三朝封諫草萬里折衝身雨露鄞江
曲樓船顛水津湘洪澄激灑韶石曉嶙峋風木
悲心遠尊鱸入夢頻棲遲輕綬冕拓落隱經綸
國佇勛名盛人稱孝友純賦才平子麗書法伯

英神雅道多推轂雄文老斲輪皂囊仍汲引丹
詔竟逡巡炎鬱忽聞恙倉皇頓返真歸全呼簣
日論定蓋棺晨賻襚頒朝宁哀榮動薦紳斗牛
空氣色天地且荆榛倒屣情猶愧忘年義未湮
秋風吹總帳涕淚滿衣巾

張中丞詩集卷下

終





